

23 OCT 1998

BELANJAWAN MAMPU PULIH EKONOMI NEGARA, KATA ABU HASSAN

SHAH ALAM, 23 Okt (Bernama) -- Menteri Besar Selangor Datuk Abu Hassan Omar yakin Belanjawan 1999 mampu memulihkan ekonomi negara.

Beliau berkata langkah-langkah Belanjawan, yang dibentangkan oleh Perdana Menteri Datuk Seri Dr Mahathir Mohamad hari ini, juga dapat membawa negara mencapai kadar pertumbuhan yang positif dengan pantas.

Sambil menganggapnya sebagai belanjawan yang praktikal, beliau berkata Dr Mahtahir yang juga Menteri Kewangan Pertama, bijak menangani masalah ekonomi dan kewangan negara di samping memberi perhatian berat terhadap kesejahteraan rakyat.

Kerajaan Negeri Selangor menyokong penuh setiap langkah yang dikemukakan dalam pembentangan belanjawan itu dan akan patuh melaksanakannya, kata Abu Hassan ketika dihubungi di kediamannya di sini.

-- BERNAMA

AZH NAK